



Broj: 01/07-11-4824/25
Sarajevo, 10. 09. 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 42. stav (1) tačka g) Statuta Grada Sarajeva („Službene novine Kantona Sarajevo“, broj 7/23) i člana 19. stav (2) Odluke o izvršavanju Budžeta Grada Sarajeva za 2025. godinu („Službene novine Kantona Sarajevo“, broj 2/25), gradonačelnik Grada Sarajeva raspisuje:

JAVNI POZIV
za dodjelu finansijskih sredstava iz Budžeta Grada Sarajeva za 2025. godinu
jedinicama lokalne samouprave u Bosni i Hercegovini

I. PREDMET JAVNOG POZIVA

Predmet Javnog poziva je dodjela finansijskih sredstava iz Budžeta Grada Sarajeva za 2025. godinu jedinicama lokalne samouprave u Bosni i Hercegovini.

II. FINANSIJSKA SREDSTVA

Finansijska sredstva osigurana su u Budžetu Grada Sarajeva za 2025. godinu, na ekonomskom kodu 614 100 - Tekući transferi drugim nivoima vlasti i fondovima: Pomoć drugim JLS u BiH, u iznosu od 100.000,00 KM („Službene novine Kantona Sarajevo“, broj 2/25).

III. PRAVO PRIJAVE NA JAVNI POZIV

Pravo prijave na javni poziv imaju jedinice lokalne samouprave u Bosni i Hercegovini - gradovi i općine, za sufinansiranje infrastrukturnih, kulturnih, sportskih i drugih projekata ili aktivnosti za koje je u budžetu jedinice lokalne samouprave osiguran dio sredstava.

Potrebna dokumentacija za prijavu na Javni poziv:

1. Zahtjev za dodjelu sredstava za sufinansiranje projekta/aktivnosti s obrazloženjem i finansijskom konstrukcijom, potpisan i ovjeren od strane odgovornog lica jedinice lokalne samouprave - original,
2. ID broj jedinice lokalne samouprave - original ili fotokopija ovjerena od nadležnog organa - općina/notar.
3. Izjava odgovornog lica jedinice lokalne samouprave da su u budžetu osigurana sredstva za realizaciju projekta/aktivnosti za koji se traži sufinansiranje - original,
4. Izjava odgovornog lica jedinice lokalne samouprave da će sredstva biti utrošena za projekat koji se realizira u 2025. godini - original,
5. Ugovor ili potvrda banke o otvorenom bankovnom računu jedinice lokalne samouprave - original ili fotokopija ovjerena od nadležnog organa - općina/notar.



IV. ROK PODNOŠENJA PRIJAVE

Krajnji rok za dostavljanje prijava je 25. 09. 2025. godine.

V. NAČIN PODNOŠENJA PRIJAVE

Dokumentacija se dostavlja redoslijedom kako je navedeno u tački III. Javnog poziva, mora biti uvezana i sve stranice moraju biti numerisane (mogu biti ručno numerisane) i ovjerene pečatom jedinice lokalne samouprave.

Prijave koje nisu dostavljene u skladu s naprijed navedenim, nepotpune i neblagovremene prijave, neće biti razmatrane.

Prijava se dostavlja u zatvorenoj koverti direktno ili putem pošte na adresu:

GRAD SARAJEVO

Ćemaluša 9,

71 000 Sarajevo

s naznakom

Prijava na JAVNI POZIV

**za dodjelu finansijskih sredstava iz Budžeta Grada Sarajeva za 2025. godinu
jedinicama lokalne samouprave u Bosni i Hercegovini
- NE OTVARATI -**

Na poleđini zatvorene koverta navesti: naziv jedinice lokalne samouprave, adresu i kontakt telefon.

Prijava se ne vraća podnosiocu prijave.

Sve dodatne informacije mogu se dobiti u Gradskoj službi za lokalno poslovanje, putem telefona: 033 221 152 i 033 407 558.

VI. ODABIR KORISNIKA

Pregled prijava i dokumentacije vršit će Komisija koju imenuje gradonačelnik posebnim rješenjem.

Komisija će, nakon obrade i analize pristiglih prijava, gradonačelniku dostaviti listu odabranih jedinica lokalne samouprave s prijedlogom finansijskih sredstava na potvrđivanje i donošenje konačne odluke.

Gradonačelnik Grada Sarajeva će s odabranim jedinicama lokalne samouprave zaključiti ugovore o realizaciji odobrenih sredstava.

Lista odabranih jedinica lokalne samouprave objavit će se na službenoj web stranici Grada Sarajeva: www.sarajevo.ba.

GRADONAČELNIK

Samir Avdić, s.r.